



مجموعه ابو الخضر

ماسوا شایه سندن دلی تطهیره پالش
بر تو حکمت و عرفان لاله توره آتش

علوم و معارفدن بحث ایدر. و هر ماه عربی ابتدا سیله اون بشنده نشر اولتور مجو عددور.

عدد ۳۱ - جلد ۲ [۱۵ رجب سنه ۱۲۹۹] [نهمین ۳ غروش]

و یا خود: « قیل نکه بالا بلند ائک خط رخسارینه
 و یا خود: « قائلین بالاده سیرایت رخلرین کور زبرده
 قیل تماشای باغ خلدی سایه شمشیرده .
 پتلی کبی برسوز سویلیدیکی نظر تدقیق ادیبانه لرینه تصادف ایشمی
 اولسه کرک؟ (مابعدی بکرمی برنجی نسخه ده)

اهمیت حفظ مال

(سامی پاشا مرحوم کدر)

(مابعد جزو ۲۰)

اخوان و اصدقای احسان ایله اکتساب و زمره اسخیاہ الحاق
 و سخاوتله معروف و بنام اولمق و مرؤت و فتوت طریقیه ممدوح اولان
 ضیافت و هدیه شرفلری صرف اغنیاہ مخصوصدر .
 خلاصه مال عبادت متعدده بی مستلزم اولوب، اوج نوع ایچنده
 ضبط فوائدی ممکندر .
 نوع اول؛ انسانک نفسنه عائد اولان فائده لیدر . بودخی یا صرف
 عبادت و یا معین عبادت اوله جلق مطعم و مابس و مسکن و تشکدن
 و احتیاج و ذل سؤالدن و ارسته اولمق کبی منافعدن عبارتدر .
 نوع ثانی؛ غیرلره و اشخاص معینه ده راجع فوائدر که صدقه
 و مرؤت بوبخنددر .
 نوع ثالث؛ عمومه عائد منفعتلردر که خسته خانلر و یوللر و چشمه ل
 و مکتبلر انشا ائک کبی خیرات و حسناتدر .
 مع هذا احتیاجدن قورتمق قضیه سنه بدل جهانده آرتق بشقه
 بر فائده ملاحظه اولنه من .
 بعض حکما، دهان ماره پارمق باصق و شیرکر سنه دن لقمه قاقمق

و نهنگ زهر آلود ایله همکاسه اولوق حاللرینی عرض احتیاجدن اهورن
عدايتشلردر.

و کبار ائمه دیندن امام شافعی جو دو سنها شرفنه نائل اولوق ایچون
بر محتاجه حین سؤالنده « یوق » دیو اعتذار الکی بر مصیبت و بلیه
عظیمه عدا ایلدکاری ایچون فقدان ماله تأسف اظهار ایله شو شعری انشاد
بیور مشلردر:

« یالهی قلبی علی مال اجود به
علی المقلین من اهل المروات . »

ان اعتذاری الی من جاء یسألنی
مالیس عندی من احدی المصیبات . »

و همت علیه لری امور جسیمه مصروف بولتوب، بو کادخی وفا
ایده جک ماللری بولنه مدیغندن، شو شعر ایله دخی اظهار تأسف و بیان
حال بیور مشلردر .

« اری نفسی تنوق الی امور
یقصر دون مبلغن مالی »

فنفس لاتطأ و عنی بخیل
و مالی لایبلغنی فعالی . »

انسائک حقیقه مالی، دیلدیکی وقت بالذات استصحاب ایده یلوب،
ایستدیکی کبی قوللانه کلدیکی تصور و تصدیق و فکر دن عبارت حالات
قلیه سی اولوب، یوقسه مال و حیات و صحت و سائر مال کبی کورینان
شیلر دیلدیکی وقت بالذات دردسته مقتدر اوله مدیغنی ایچون حقیقه
مال اولیوب، آنجق عنایت باری طرفندن حسن تصرفی مطلوب
بر امانت سر یعه دن عبارت ایدوکی نزد حقیقت شناسانده ظاهر در .

بو صورتده انسائک مال ظن ایتدیکی شیلر کند و سنه امانت تسلیم
اولمش برودیعه الهیه اولوب، نفس انسان دخی او مالی یرلی بر نجه

کاینی مالم لهته صرفنی التزام و در عهدہ ایدن و کینخرج کیندر . هر بار که برو کینخرج تصرفات لازمه دقت ایلز ایسه افندیسی طرفندن بحق مسؤل و معاتب و بلکه مال مودوع یدندن آلتوب غیره و یریلره رک باب مولادن مطرود و ملعون اولدیغی کبی حقیقه و کینخرج اولان هر بر انسان دخی كذلك اسراف و سفاهت ایلدیکی حالده آتک علیهنه غیرت الوهیت و حیت و عنایت ظهوره کلوب ، یدندن امانت اخذ اولنهرق ، باب عنایتندن طرد و ابعاد و فقر وفاق ایله ابعاد ایدیلور .

قالدی که شود قایقه جاهل اولان و تأمین اولنان مالی سوء تربیه حسبیله مألوف بولندیغی مزاج شهوانیسی اجر استه آلت اتخاذ ایدن بعض اراذل انام و سفهای بنام مالی شهوته و بیهوده خیال صیته اسراف و بعض مسیب دخی بالذات فطارت اموالی ایش یرینه قویمیسوب ، حربده امور عسکریه سنی غیره تفویض ایلیرده بالذات احوال عسکره اطلاعندن بیخبر و پریشانی جنده باعث حقیقی اولان قوماندان کبی برطاقم خیرسن سفها و سرقدن عبارت غلبه لغه امور اموالی تفویضاً اصناعه و اتلاف ایلیرده اولیه برو دیعه شریفهیی حسن حمایه ایلدیکی ایچون اک صوگنده تأسف اولنهرق بر حاله اوغرا دیغی و اکثریسی شدت فقره مبتلا اولهرق ، مأمور جزا و درد کدر افزایه تسلیم اولنهرق ، هر آن سوط آتشین ندامت ایله ضرب اولنور . و عاقبت جمیع المده چاه غیالی حزن ایچره هالک و خاسر اولور .

بعض عمالک « کاد الفقر ان یكون کفراً » حدیث شریفنده واقع « فقر » کلمه سنی فقدان غنا و تلف ثروت ایله تفسیرلری جای دقتدر . فی الواقع بومثالو اهل اسراف سفهای دائماً مشاهده ایدرز که کیمی زندیق و کیمی تزکیه خودانه سنی معرضنده غیریلره لوم و طعن ایله مشغول و کیمی یأس حالیه کویا تارک دنیا اولهرق ، تکایا و زوایا و مناسرتلرده قاعد صندلی تکاسلدر .

و اورویانک تارک دنیا تکیه لری بشون بو مثالو مبذرین ایله طوب
طوبولی در . حتی بعض سبکغزان اهمیت حفظ مال حقننده نصیح و پند
اولند قبحه و عاقبتنده گرفتار اوله جنی مجازاتی یاد و تذکار ایله تخویف
قلند قبحه « بنم دنیایه محبت یوقدر؛ عاقبت بر زارویه ده خرقه بی باشیمه چکوب
دنیا دن بالکلیه فراغتله مشغول عبادت اوله جیم » یوللو ترهات
سویلمکده در .

بوسوز ایسه کندوسنک متصف بواندیغی قنغی جانندن نشأت
ایلدیکنک فرقنده دکلدر؛ هله باق عقلنه که کنجلاک جانندن عبارت اولان
شجره مثمره سندن برک و میوملری سیلکوب، اتلاف و اسراف ایلدیکندن؛
بشقه نفس شجره ییده بر طاق معایب و سفاهت یاره لرله یاره لبوب، روحانیت
ذاتیه سندن کنایه اولان درون شجره سنده کی عروق و مجاری به آرتق صو
یورویه مز؛ یعنی انوار عرفان لمعان ایده مز؛ راده رده قوروتقدن صکره،
و تعیر دیگرله هنکام شبانی فسق و فجوره صرف ایدوب فرقدن صکره،
صلاح طرفنه صابره ق بی سند و بلا سبب رجا و محضا قوری آمید ایله
جناب رب العالمینی (حاشا) قاندر مغه چالشمه جقدرد . هیهات !

بو حال بعینه صاعلام برینه کندی ایله بالاخیسار اوگولماز بریاره
آچوب، بعده مدت مدیده علاج و مرهم طلب ایتکه و نهایت بو یولده
عمرینی اتام ایتکه بگذرد .

و تبذیر و اسراف امنیت مسئله سنه دخی کدر و پر؛ چونکه شو
دنیا ده استفاده نلک شرط اعظمی خلقک احسن امنیتنی جلب ماده سی ایکن،
اسراف حالی امنیت عامه نه درجه سیکسته اراث ایده جکی، سیمای حفظ مال
قدرتی بیلیان و اداره بیتیه سنده بیه حد اعتدالی فرق ایتمیان سفیه؛ مأمورین
دولتدن اولدیغی حالده امنیت قضیه سی آرتق دولجه و ملجه کندوسندن
بالکلیه منسلب اوله جنی مستغنی بیاندر .

حاصلی حفظ مالدن عبارت اولان حد اعتدال اوژه صرف

و انفاقدہ نہ قدر فوائد و فضائل وار ایسہ اسراف و تبذیر آکا یوزبیک
 قات درجہ زیادہ متقابل مضرات و رذائل بولندیغی جای اشتباه دکلدر
 حتی بعض حکماک « بخل صفتیله اسراف موازنہ اولتسہ اسراف ذہا
 بدتردر » پیوریدیغی محل عبرتدر .
 حفظ مالک درجہ وجوبی بیلدکدن صکرہ؛ کیفیت تصرف ہر گسک
 درجہ ثروتہ کورہ تجارب عدیدہ ایلہ معلوم اولان طریقار اوزرہ اولور .
 فقط تصرف دیدیکمر تفریط و افراط یعنی بخل ایلہ اسراف پینشدہ
 بر حال وسط و اعتدال اوزرہ حرکتدن عبارتدر؛ قاعدہ سیلہ ختم مقال
 ایدہ رز .

بر نصیحتدر سوزم حفظ ایلہ آتی حشرہ دک؛
 کوشوار کوهرایت کوشندن اصلایتہ فک !
 مالی جمع ایت جہد ایلہ اسراف قتله صاقلہ فک !
 دشمنہ قایرسہ قالسون دوستہ محتاج اولمہ فک !

برہ زیلیادہ قہوہ محصولی

(۲۰ بجی نسخہ دن مابعد)
 صاحب خانہ اوروپا تربیہ سی کورمش و اولدقجہ اکتساب معارف
 ایش ایسده برہ زیلیادہ مقیم اولانلرک اکثری کبی؛ اوقاتنی زراعتہ حصر
 ایش اولدیغندن؛ بہرہ علم و عرفانی همان مرتبہ اولای تحصیلدہ نہ حال
 ایسہ اورادہدہ قلمش اولدیغنی کنیدیسی اعتراف ایشدرکہ فکر و اشتغالی
 قہوہ مزروعایلہ محصولاتی درجہ مطلوبہ بہ ایصال و بوکا متعلق عملیات
 و تجاربہ اہتمام ایلہ ثمراتی حسن استحصالدن بشقہ دوشندیکی اولندیغنے
 شو اعترافی دلیدر .

مومی الہک بورایہ ابتدای مواصلتندہ قہوہ فدانی یتشدرمک